



DREJTORIA E PËRGJITHSHME E STANDARDIZIMIT ANALİZË VJETORE - 2022

Drejtoria e Përgjithshme e Standardizimit (DPS), si Organi Kombëtar i Standardeve në Shqipëri, është përgjegjës për organizimin dhe zhvillimin e gjithë veprimtarisë kombëtare të standardizimit, me qëllim plotësimin e nevojave të palëve të interesuara për standarde teknike për të gjitha fushat e ekonomisë.

Misioni i punës së veprimtarisë së standardizimit është të sigurojë plotësimin e nevojave të tē gjitha palëve të interesuara (industria/biznesi, tregtia, autoritetet publike, ambientalistët, konsumatorët, SME-të, akademia) për standarde teknike bashkëkohore në të gjitha fushat e ekonomisë, në mbështetje të konkurrueshmërisë dhe reduktimit të Barrierave Teknike në Tregti.

Qëllimi është të rrisë nivelin e sigurisë së produkteve dhe proceseve, në mbrojtje të shëndetit e jetës së personave, kafshëve si dhe mjedisit.

Këto janë materializuar edhe ndërmjet qëllimit të programit 04160, i cili është: Mbështetje për mbikqyrjen e tregut, infrastrukturë cilësie dhe pronësi industriale

Për përbushjen e sa më sipër, objektivat e DPS janë:

- Të përafrojë legjisacionit kombëtar me legjisacionin evropian dhe rregulloret evropiane të standardizimit (ETSI, CEN&CENELEC) dhe ndërkombëtare (ISO dhe IEC).
- Të zbatojë dhe rishikojë të gjithë paketën ligjore për proceset e integrimit në fushën e standardizimit.
- Të organizojë dhe drejtojë punën për progresin në adaptimin e standardeve evropiane dhe informimin e ndërgjegjësimin e operatorëve ekonomikë dhe palëve të interesuara për rëndësinë e standardeve
- Të mirëadministrojë Sistemin e Menaxhimit të Standardeve (SMS), shitjen e tyre dhe mirëfunkcionimin e Autoritetit Kombëtar të Notifikimit dhe Pikës së Referimit në OBT dhe CEFTA.
- Të funksionojnë sa më mirë strukturat e DPS (Bordi Drejtues, Bordi Teknik dhe Komitete Teknike)

Drejtoria e Standardeve

Adoptimi i standardeve evropiane e ndërkombëtare si Standarde Shqiptare (SSH)

Në kuadër të aplikimit të Sistemit të Ri të Menaxhimit të Standardeve, si dhe në mbështetje të VKM-së Nr. 382 "Për miratimin e rregullores për veprimtarinë e standardizimit" e cila është amenduar në muajin Nëntor të vitit 2021, është përgatitur programi i punës një vjeçar, sipas të cilit adoptimi i standardeve dhe i dokumenteve të standardizimit është shtrirë në periudhën **Maj-Dhjetor 2022**.

Parashikimi për vitin 2022 ishte të adoptohen si standarde shqiptare (SSH) gjithsej 1,710 standarde sipas programit të punës së Drejtorisë së Standardeve. Fakti është që janë

adoptuar 1,828 standarde evropiane dhe ndërkombëtare, me një realizim 107 %, të detajuara si në tabelën 1.

Tabela 1 Adaptimi i standardeve evropiane e ndërkombëtare si SSH për vitin 2022

Nr.	EMËRTIMI	PLAN	Fakt	Realizimi në %
1	Standarde të adoptuara (CEN/CENELEC)	900	953	105 %
2	Standarde të ETSI	380	384	101 %
3	Standarde të ISO/IEC	430	491	114 %
Totali		1,710	1,828	107 %

Siq thamë dhe më lart gjatë këtij viti janë adoptuar rreth 1.828 standarde dhe dokumente standardizimi si Standarde Shqiptare (SSH) dhe Dokumente Standardizimi Shqiptare (DS); nga ku 1,016 në fushën e elektroteknikës dhe telekomunikacionit - Sektori CENELEC/IEC/ETSI dhe 812 standarde nga të gjitha fushat e ekonomisë - Sektori CEN/ISO. Pjesa më e madhe janë standarde me origjinë evropiane, rreth 1,337 standarde (CEN, CLC dhe ETSI) dhe 491 standarde ndërkombëtare (ISO dhe IEC); Fushat ku Komitetet Teknikë kanë pasur numër më të madh adoptimesh janë si më poshtë:

- Analizat e produkteve ushqimore;
- Eurokodet strukturore;
- Sporte dhe sheshe lojërash;
- Cilësia e ujit, ajrit dhe tokës;
- Pajisje mbrojtëse personale;
- Pajisje mjekësore;
- Pigmente, Shpërndarës dhe Bojëra;
- Siguria teknike dhe mjedisi;
- Sistemet e telekomunikacionit analoge dhe dixhitale;
- Materiale elektrike dhe elektronike.

Janë shfuqizuar rreth 233 standarde (169 me origjinë evropiane dhe 64 me origjinë ndërkombëtare) sipas fushave të caktuara dhe Komiteteteve Teknikë përkatëse, duke ndjekur "ciklin e jetës" së standardit.

Janë adoptuar 100% standaret e harmonizuara nën Direktivat përkatëse si dhe është realizuar përditësimi dhe rifreskimi i listave të tyre nga Sekretarët e KT-ve.

Janë adoptuar rreth 77 standarde me procedurë të përshtpjtuar sipas kërkesave të klientëve, palëve të interesuara (biznese, institucione, laboratore, persona fizikë) kryesisht në fushat si më poshtë: - Cilësia e ujit, ajrit dhe tokës; - Fruta dhe perime të freskëta; - Vajra dhe yndyrna ushqimore - Fara vajore; - Plastika; - Siguria teknike dhe mjedisi; - Pajisje elektrike dhe elektronike.

Drejtoria e Çështjeve Ligjore dhe Marrëdhënieve me Palët

- Përafrimi i legjislacionit kombëtar me legjislacionin evropian dhe rregulloret evropiane të standardizimit (ETSI, CEN&CENELEC) dhe ndërkombëtar (ISO dhe IEC).** Objektiv i është të zbatojë dhe rishikojë të gjithë paketën ligjore për proceset e integrimit në fushën e standardizimit. Në këtë kuadër punohet për evidentimin e të rejave sipas situatës në fushën e standardizimit.
- Anëtarësimi me të drejta të plota në CEN&CENELEC dhe procesi i screening**
Sa i përket Anëtaresimit me të drejta të plota në CEN&CENELEC në 25-26 Maj 2022 ekspertë të vendeve aëtare në CEN&CENELEC, konkretisht nga Komiteti Kombëtar i Elektroteknikës së Gjeramanisë dhe Organi kombëtar i Standardizimit të Slovenisë, kryen në DPS një vizitë vlerësuese të plotësimit të kritereve për anëtarësim me të drejta të plota në CEN&CENELEC sipas Rregullores së Brendshme, Pjesa I D dhe Guidës 22/2021 të CEN&CENELEC.
Nga vlerësimi u gjendën të pa plotësuara 2 kriteri dhe u lanë 11 rekondime për përmirësim, si dhe një plan veprimi i cili u dakordësua edhe me DPS. Periudha e plotësimit dhe e ri-vlerësimit përkundrejt plotësimit të kritereve të anëtarësimit është dy-vjecare, brenda vitit 2024.
Po ashtu, gjatë takimeve të screening me Komisionin Evropian për Kaitullin
1. DPS ka prezantuar situatën e standardizimit në vend dhe planet në të ardhmen pë realizimin e masave korrigjuese të lëna në planin e veprimit, të cilat janë konsultuar dhe dakordësuar më parë me Ministrinë e Financave dhe Ekonomisë.
Masat korrigjuese në plotësim të rekondimeve të vlerësuesve kanë të bëjnë me përmirësimë të proceseve ekzistuese të punës së standardeve, funksione të reja dhe me shtim të numrit të punonjësve të DPS.
- Promovimi dhe publikimet**
Gjatë kësaj periudhe janë përkthyer dhe publikuar në faqen e web-it dhe në rrjetet sociale të DPS, Facebook, LinkedIn, Twitter gjithsej **29** artikuj me titujt:
 - Rritja e pjesëmarrjes së femrave në kërkimin shkencor
 - Ekonomia e ndarjes dhe tregtia elektronike ofrojnë stabilitet ndërkombëtar
 - Ndryshimet shoqërore që formësojnë të ardhmen tonë
 - Mbajtja e premtimit për një mjedis të gjelbër
 - Avancimi i barazisë gjinore krijon një botë të qëndrueshme
 - Rrjetet sociale dhe menaxhimi i situatave të vështira
 - Komiteti Evropian për Standardizimin (CEN) dhe Komiteti Evropian për Standardizimin në fushën e elektroteknikës (CENELEC) njoftojnë mbajtjen e konferencës për standardizimin e legjislacionit të sigurisë kibernetike në Bashkimin Evropian
 - Ndërtimi i një të ardhmeje më të shëndetshme për të nesërmén
 - Të hash si vendasit
 - Komiteti Evropian për Standardizimin (CEN), sapo ka publikuar specifikimet e reja teknike për produktet plehëruese duke u bazuar në objektivat e ekonomisë rrithore të BE
 - Komiteti Evropian për Standardizimin (CEN) dhe Komiteti Evropian i Elektroteknikës për Standardizimin (CENELEC) kanë krijuar një harte të re për

- standartet evropiane, të cilat mbështesin Objektivat e Zhvillimit të Qëndrueshëm të Kombeve të Bashkuara (SDGs)
12. Organizata Ndërkombëtare për Standardizimin (ISO) sapo ka publikuar një udhëzues të ri për testimin e COVID-19
 13. Konsumatorët e pambrojtur
 14. E ardhmja e kujdesit shëndetësor
 15. Ushqim i sigurt, shëndet i mirë dhe një e ardhme e shkëlqyer
 16. Të mbajmë të sigurtë zjarrëfikësit
 17. Ekonomia e re bazohet në projekte
 18. Tendencat në zhvillimin e llojeve të turizmit
 19. Dita Ndërkombëtare e Standardeve për vitin 2022
 20. Të ruajmë ekosistemet natyrore
 21. Organizimi i trajnimit të thelluar të stafit të DPS në lidhje me kërkesat e standardit SSH EN ISO 9001:2015
 22. Organizata Ndërkombëtare për Standardizimin (ISO) sapo ka publikuar standardin për sigurinë e sistemeve të informacionit ISO/IEC 27001
 23. Dita Botërore e Standardeve 2022
 24. Java e dedikuar për vazhdueshmërinë e prodhimit të energjisë nga BE për vitin 2022
 25. Mbështetja ndaj moshës së tretë
 26. Memorandum bashkëpunimi ndërmjet Drejtorisë së Përgjithshme të Standardizimit dhe Institutit për Standardizim të Republikës së Maqedonisë së Veriut (ISRSM)
 27. Një erë e re për shëndetin mendor në punë.
 28. Pandemia COVID-19 ka ndikuar në shëndetin emocional dhe mendor të punonjësve.
 29. Çisterna për transportin e mallrave të rrezikshme - Ndërfaqja dixhitale për transferimin e të dhënave ndërmjet autoçisternës dhe strukturave të pa lëvizëshme, pajisjet elektronike të cilat përdoren në transportin e mallrave të rrezikshme

4. Publikuar 99 ekstrakte standardesh të fushave:

Pajisje elektroshtëpiake; Pajisje inxhinierike; Materiale ndërtimi; Produkte ushqimore; Kimia; Sporti; Mjekësia; Siguria ushqimore; Siguria e lodrave; Artikuj për fëmijë; Pajisje mbrojtëse personale; Lëndë djegëse; Artikuj për fëmijë; Pajisje pë pishina; Sisteme alarmi; Trafiku rrugor; Turizmi; Materiale për paketim; Lëndë drusore; Makineri përpunimi; Ndriçimi; Makina dhe traktorë në bujqësi

Publikimi i 3 Buletineve, përkatësisht:

- Buletini Nr. 90, Buletini Nr. 91 dhe Buletini Nr. 92.
- Janë organizuar dy mbledhje te bordit teknik dhe dy mbledhje te bordit drejtues.
- Janë organizuar 2 aktivitete promovuese mbi rolin dhe rëndësinë e standardeve në infrastrukturën e cilësisë, në qytetin e Gjirokastërës dhe në qytetin e Korçës, në kuadër të kalendarit të aktiviteteve promovuese të miratuar nga Ministria e Financave dhe Ekonomisë.

Standardet më të shitura janë të fushave:

- Produkte naftë, lubrifikantë, qymyre dhe produkte që lidhen me to
- Aggregate dhe muraturë
- Analizat e produkteve ushqimore. Materialet në kontakt me ushqimin

Realizimi i Treguesve ekonomiko-financiare (Aneksi 2)

Buxheti vjetor i akorduar për DPS, konsiston në mbështetjen logistike të ushtrimit të kompetencave e funksioneve të institucionit, përrritjen e objektivave të caktuara. Gjatë vitit kemi pasur disa rialokime të fondeve buxhetore dhe buxheti vjetor i rishikuar i institucionit rezulton i alokuar për paga 47%, sigurime 8%, shpenzime operative 17%, pagesë të kuotave ndërkombëtare 27%, dhe transferta në individë e familje 1% (Tabela 2).

Buxheti i planifikuar për vitin 2022 pas reduktimeve me aktet normative ishte **29,829** dhe realizuar **27,987 mijë lekë** ose **94%** (tabela 3).

Table 2 Plan i buxhetor 2022 dhe % e zërave të shpenzimeve kundrejt totalit

Nr.	EMËRTIMI	PLANI BUXHETOR 2022	Në mijë lekë
			NË % NDAJ TOTALIT
1	Paga	14.000	47 %
2	Sigurime shoqërore	2.500	8 %
3	Mallra e shërbime të tjera	4.960	17 %
4	Transferta Korente të Huaja	8.040	27 %
5	Transferta tek individët dhe familjet	288	1 %
6	Investime	40	0 %
	Totali	29,828	100%



- Fondi i përgjithshëm i pagave dhe i sigurimeve shoqërore (600-601),** është realizuar për numrin faktik të punonjësve respektivisht në vlerën **16,025 mijë lekë** për paga ose pothuaj **97 %** e fondit të planifikuar të shpenzimeve prej **16,500 mijë lekë**. Stafi i DPS nuk është i plotë pasi janë larguar 2 punonjës dhe aktualisht kemi 13 nëpunës civilë, 1 punonjës administrativ dhe 1 punonjës me kontratë. Në muajin shtator patëm rritje rrugash mesatarisht **7%** dhe në fund të vitit punonjësit u

kompensuan nëpërmjet ndihmës së menjëherëshme financiare për zbutjen e efekteve të krisës.


Në tabelën e mëposhtme, pasqyrohet realizimi në % dhe vlerë, i secilës kategori shpenzimesh, përkundrejt buxhetit të akorduar.

Table 3 Realizimi i fondeve buxhetore viti 2022 në vlerë dhe %

Në 000 / lekë

Nr.	EMËRTIMI	PLAN	FAKT	REALIZIMI NE %
1	Paga	14,000	13,722	98 %
2	Sigurime shoqërore	2,500	2,303	92 %
3	Mallra e shërbime të tjera	4,960	3,673	74 %
4	Transferta Korente të Huaja	8,040	8,040	100 %
5	Trans per Buxh. Fam. & Individ	288	208	72 %
6	Investime	40	40	100 %
	Totali	29,828	27,987	94 %

Realizimi buxhetit 2022



- Fondi për Shpenzime Korrente të tjera (602-606)**, për vitin 2022 është realizuar në vlerën 3,673 mijë lekë, nga 4,960 mijë lekë të planifikuar ose rrëth 74 % e fondit të planifikuar tek 602. Ky fond është përdorur për:

- Shlyerjen e detyrimeve ndaj të tretëve, si detyrime energji elektrike, ujë, shërbime bankare, postare e telefonike.
- Shpenzime për transferta korrente të huaja, të cilat janë pagesa të kuotizacioneve të organizmave evropiane e ndërkombëtare, në të cilat DPS bën pjesë
- Shpenzime për buxhetet familjare dhe individë

- **Fondi për shpenzime investime (zëri 230, 231),** ku vlera e planit vjetor të fondit të investimeve ishte 2,000,000 lekë në fillim të vitit, pastaj u reduktua në 1,000,000 lekë dhe në fund të vitit mbeti 40,000 lekë, e cila bëri që investimet te jenë realizuar 100%.

Në Aneksin nr. 3 është paraqitur realizimi i treguesve të performancës/produkteve (në sasi dhe vlerë) në zbatim të objektivave për vitin 2022, adaptim dhe shitje standardesh.

➢ **Të ardhurat nga Shitia e standardeve**

Për vitin 2022 janë shitur gjithsej **586** standarde, dhe të ardhurat e realizuara në vlerë janë **1.496.693** lekë.

